

Fundacion Parlamento Hubenil Aruba:

5 Top miembro sobresaliente di Asociacion Consejo Hubenil di Juli-Augustus 2008



STA. CRUZ -- E aña aki Fundacion Parlamento Hubenil Aruba a introduci un sistema nobo "Beloningssysteem" pa recompensa e hobennan pa nan esfuerzo haci durante 2 luna largo pa por acudi na tur presentacion, workshop,

actividad social y reunion di diferente Comité y Consejo. E meta principal di e sistema di Recompensa ta pa duna un recompensa na e miembro cu a destaca mas durante e luna. E hobennan ta wordo gescreeen pa nan presencia na e actividadnan

y nan interes pa haci un cambio, pa medio di esaki nan ta acumula punto y na final di cada dos luna e ta wordo conta y asina ta saca e Most Outstanding Member di Asociacion Consejo Hubenil Aruba.

5 September 2008 durante reunion di Consejo Fundacion Parlamento Hubenil a cera conoci cu e 5 Top miembro sobresaliente di Asociacion Consejo Hubenil di Juli – Augustus 2008. **Na di 5 lugar tabata tin un empate cu 37 punto :**

Micaela Gario, estudiante di EPI Hospitality & Tourism y *Ilse Yarzagaray*, estudiante di Colegio Arubano. - **Na di 4 lugar cu 50 punto:**

Raisa Rudge, estudiante di Colegio Arubano. - **Na di 3 lugar cu 57 punto:** *Derrick Manzanares*, hoben representando Mascaruba. - **Na di 2 lugar cu 60 punto:** *Hyacinthe De Cuba*, hoben representando Mascaruba. - **Y nos ganador absoluto cu 84 punto, na prome lugar:**

Jeandihno Trappenberg, estudiante di Colegio Arubano y representante di Eaglet Bowling Club Aruba. Tur e 6 hobennan aki a ricibi un certificado di Most Outstanding Member di ACHA pa Juli/ Augustus 2008. Jean Dihno Trappenberg actualmente ta fungi como presidente di Asociacion Consejo

Hubenil Aruba. Jean Dihno a ricibi merecidamente e titulo di Most Outstanding Member of ACHA como un hoben ehemplar cu a sa di traha duro pa hiba e Asociacion dilanti. Jean Dihno ta un hoben cu a sa di haci Fundacion Parlamento Hubenil orguyoso pa semper a keda activo y ta duna tur su esfuerzo pa por acudi na tur actividad cu Fundacion ta brindanan. Palabranan di pabien ta bay na e 6 miembronan cu mas a destaca y un palabra di exito na e otro hobennan pa nan duna nan maximo esfuerzo pa bay cu e titulo aki den luna di September/ Oktober 2008.

Prome reunion informativo di Parlamento Hubenil a tuma lugar!



STA. CRUZ -- Riba 27 Augustus 2008 Hobennan Parlamentario di Comité Permanente Parlamento Hubenil Aruba a tene nan prome reunion informativo. Comité Permanente Parlamento Hubenil (CPPH) ta un comité di Asociacion Consejo Hubenil Aruba, consistiendodí 23 Hobennan

Parlamentario. E Hobennan Parlamentario nan aki ta fungi como e Staten di Hubentud di Aruba of mihor yama e Parlamento Hubenil di Aruba. Nan tin como meta pa atende, defende y debati riba preocupacion-, opinion- y temanan cu ta toca di Hubentud di Aruba. Asina di e forma aki e

Hobennan Parlamentario nan aki lo traha reportahe, recomendacionnan y posiblemente ideanan pa concepto di leyman nobo pa Staten y Gobierno di Aruba. Pa asina protege, mehora y engrandece e bienestar general di hubentud na nos pais. Den nan prome reunion informativo a toca e temanan di kico ta e esencia y e meta di e comité aki y na ki manera e comité lo bay funciona. Alavez e Hobennan Parlamentario a amplia riba topiconan cu lo bay ta wordo trata despues di nan inicio di nan aña parlamentario otro luna vinidero. Topiconan cu a resalta tabata; consumo di alcohol bao di hobennan, leerplicht y nos medio ambiente. Reunionnan di

Comité Parlamento Hubenil lo ta bay ta publico mescos tur reunion di Staten nan rond mundo y cada Hoben Parlamentario ta liber pa trece y expresa tur su preocupacion- y ideanan pa hubentud en general na Aruba. Den e transcurso di e lunanan venidero e Hobennan Parlamentario

nan aki lo ricibi diferente curso y rondleiding pa asina por amplia nan conocimentoy alavez acerca profesionalnan den e area pa asina por tin un sosten concreto pa formaliza un opinion mas efectivo. Keda pendiente pa apertura di aña Parlamentario Hubenil den luna di Oktober.

